

R A T I O N E S

31602 / II

Quòd non expediat nouam Academiam Leopoli : PP. Societ : IESV erigere.

1. **S**erenissimi Poloniæ REGES, & Summi Romani Pontifices, Acad: Cracouien: vnā tantū in Regno Poloniæ; tam pro Ciuibus Reipub. quā pro externis habere voluerunt, vt patet in Priuilegio CASIMIRI Magni, VLADISLAI IAGIELONIS, VRBANI V. IOANNIS XXIII. MARTINI V. & habetur in Statuto verbo SCHOLA.

2. Academia Cracouien: instar Parisien: Bononien: Patauinx, à primis Fundatoribus est erecta, (vt patet in Statuto Herburti) quæ quidem Academiæ præfatæ, in suis territorijs, multa Gymnasia tolerant: ius tamen conferendi laureatos honores nemini vnquam concedunt.

3. Academia Cracouien: à tempore immemorabili; Sola & vnica est in possessione, Doctores in hoc Regno Poloniæ creandi: & hoc Priuilegium, titulo meritorum, quæ legere potes in Dlugoslo, Cromero, Miechouio, Piascio, & alijs, obtinuit remuneratiuum, in Vrbe totius Regni Principe, vnde ab ea tolli, & alteri communicari non potest.

4. Noua hæc Academiæ in Ciuitate Leopoliē. erectio, pugnat cum erectione Acad. Cracouien: quā CASIMIRVS Magnus, & post eum D. VLADISLAVS IAGIELO voluerunt esse fontem, de cuius plenitudine haurirent vniuersi, literarum cupientes imbui ornamentis.

5. Fontis huius perennis scaturigo, & illimes fidei ac Scientiarum aquæ, irrigarunt & hucusq; irrigant copiosissimè, omnes terras & Prouincias Regni. Hinc variæ deductæ sunt Academicæ Colonix. Chetmum, Poshniam, Zamoscium, Vidauiam, Białam; Otykam, Brody, Jedlinsko, Siracouiam. Hinc Illustrissimis & Reuerendissimis Antistitibus, Viri ad Episcopales functiones perficiendas expeditissimi, Auditores Iure Consultissimi. Hinc Illustribus & Nobilissimis Familijs, ad instituenda carissima pignora, Præceptores fidelissimi. Hinc omnibus Scholis Parochialibus, ad Ecclesiæ obeunda munia, & tenellam informandam ætatem, Magistri & Baccalaurei laboriosissimi subministrantur.

6. VRBANVS V. Summus Romanus Pontifex, non alia spe ductus Academiam & Professores, ex Gallijs magno pretio conductos, REGI CASIMIRO Magno concessit; nisi quòd præter prerogatiuas & libertates, in suo Priuilegio expressas, multò maiores Academiæ Cracouien: esset daturus. Quid autem opus fuerat, tot sæculis Professores Acad: Cracouien: laboribus atterere: si alium quempiam in eorum messem falcem inmittere contingat.



7. Rector Acad: Cracou: non ob aliam causam GENERALIS nuncupatur, nisi quod penes solam Vniuersitatem Cracou: sit facultas promouendi ad honores literarios, & penes solam illam, literaria Sceptra, quibus omnes subesse tenentur.

8. Si forum & Mercatus eadem die, in vicinis Ciuitatibus lege vetantur: quanto magis emporium literariorum honorum, in vicinia est vetandum?

9. Imperatores & Summi Pontifices, licet pluribus in Ciuitatibus Collegia & Gymnasia erexerint; non vbiuis tamen conferri literarios honores, propter grauissimas causas voluerunt.

10. Sicut in sola Academia Cracou: Institutio est liberorum ad vsum Reipub: accomodata: ita per omnia æquum est, vt penes illam solam promouendi ad literarios honores sit facultas.

11. Fides per Acad: Cracou: DEO, Ecclesiæ, Patriæ, ac Serenissimo REGI Domino D. suo Clemens: sub Suecis; tanto cum affectu, & raro ad posteritatem exemplo, seruata; vt Professores eius mortem, & exilium potius subire, quàm iuramento sese obstringere, aut vllam promissionem fidelitatis hostibus præstare elegerint. Hand igitur æquum est, vt loco præmij diminutionem nominis & famæ, per nouæ Academiæ erectionem referat: cum, alij omnes, quicunq; sub illud tempus pro Patria, aliquid præstiterunt, ex plebe, in amplissimum Equestrem Ordinem assumpti sint, & Stemmatis aucti atq; exornati.

12. Ad vnā Acad: Crac: ex vicinis imò & transmarinis Regnis, Studiorum gratiā confluentes iuuenes, causa fuerunt, vt Serenissimorum Poloniæ Regum filij ad Sceptra Bohemiæ, Hungariæ postularentur.

13. Licet nullum interesse in hac noua erectione, Academ: Crac: haberet, nec vllum damnum pateretur: adhuc tamen ad impediendum euigilare deberet, & tanquam fidelis custos depositæ institutionis, ad Ordines Regni deferre teneretur, informando eosdem, verti in hoc negotio Iura, Priuilegia, & prærogatiuas omnium Ordinum, ad quos spectat diligentissimè attendere. vt Statuta Regni & Priuilegia cuiusq; in eis contenta, inuiolata conseruentur, nèue vllis nouitatibus aliquo modo conuellantur, aut labefactentur à quopiam.

14. Longè felicius & pacatius, vastum istius florentissimæ Reipub: corpus regi potest, si vna tantum Academica institutio liberorum sit. Quanto enim magis ab vniformitate institutionis, in ordine ad Rempubl: receditur: tantò minùs speranda est Ciuium & animorum concors vnio, & par obsequij in principem promptitudo.

1. QVantum Academia Cracou: Summi in Reipub: Polona, & Sapientissimi Viri tribuebant, & quanti eam faciebant, licet colligere facile. IOANNES Lubranicius, Episcopus Polesianus: & IOANNES

ZAIMO-

Zamoscius, Supremus Regni Exercituum Ductor, & Cancellarius, non aliunde, quam ex Vniuersitate Cracouiensi: lumina suis particularibus Academicis acceperunt.

2. IOANNES Kochanovius, Laureatus Pœta Polonus, in Satyro canit. Academiam Cracouiensem, nulli in Orbe Academicarum, ad quas vndiq; concurratur fore secundam, si præmium literis, & literatis accedat.

3. IOANNES FELIX Herburtus, in epistola ad Acad: Cracou: de data 19. Nouembris, 1612. scribit: *O si benignum numen aliquando vota mea adspicere vellet, cognosceret hæc virtutum & disciplinarum Mater, hæc omnium bonorum alitrix, me bonæ Matris, non malum esse filium, &c.*

4. Sanctissim^{us} æquè ac prudentissim^{us} Regni Senator, STANISLAVS Hosius, Mutationem Acad: Crac: & Vniuersitatum multiplicatam, quasi pestem fugiendam censebat; Lege epist: eiusdem ad STEPHANVM REGEM Poloniæ.

5. STANISLAVS Orichovius, dispersionem Academicæ Crac: quæ sub AVGVSTO REGE euenerat describens, inde Rem Polonam eiusq; florens imperium, retrò labi cœpisse testatur.

6. Iouius libro 13. Iam disciplinæ Dialecticæ & Mathematicæ ac Philosophicæ deletæ, atq; extinctæ fuissent, nisi Acad: Crac: eas excitasse.

7. STANISLAVS Orichovius, in funere SIGISMVNDI, D. VLADISLAVM IAGIELONEM laudans, inter cætera, sic inquit: *Cracouia Gymnasium condidit, quod omni virtutis ingenij ac doctrinæ laude, ad hanc diem floret, ut inde tanquam ex Equo Troiano innumerabiles Viri prodierint, Sapientia & Doctrina præstantes. In hoc enim Gymnasio, non seposita aliqua Philosophia aut Sapientiæ pars tractatur, sed tota ipsa, omnibus suis numeris perfectæ atq; absoluta, &c. &c. ut cum ferocius gente Polona antea fuerit nihil; nunc contra beneficio doctrinæ eadem nihil videatur, esse mansuetius atq; humanius. Hanc ergo humanitatem, quam in templis, quam in foro, quam in regno, ac in moribus nostris versari videtis, IAGIELONI REGI omninò debemus, qui accersitis in Poloniam literis ac literatis, adhibitisq; earum Doctoribus nos ab agresti, ad civilem vitam vocauit.*

8. Idem Orichovius ad Hosium Cardinalem scribens, testatur: *Antequam in Polonia Cracouiensis Academia, erecta fuisset, Poloni erant ἀγροικοὶ καὶ ἀνομοί.* PETRVS Skarga Societatis Theologus, in Libro artium 12. contra Volanum Archiministrum, in quarto de Academia. *Diruxit Academiam Cracouiensem: omnium ingeniorum in hoc Regno excultricem, & unicum huius Monarchiæ decus, in quo & nos tyrocinia iuuentutis deposuimus, & ex eius uberibus disciplinæ suauitatem hausimus.* Vide eundem in Concione funebri Serenissimæ REGINÆ ANNÆ IAGIELONÆ, & in vita B. IOANNIS CANTIL.

9. Illustrissimus & Reuerendissimus WYZGA, DE I Gratiâ, Episcopus Varmiensis: in funere SIGISMVNDI CASIMIRI, Poloniæ & Sueciæ Principis, Anno Domini, 1647. *Academia Cracouiensis: est unicum morum optimorum*

Palladium, una honestissima educationis Palestra, unus Europe oculus, unum omnium artium liberalium domicilium, una filiorum Regni Schola, unica Sarmatarum Athena.

10. Illustrissimus CASTELLANVS Kijouien: nunc autem feliciter Palatinus Terrarum Russiæ, Anno Domini, 1655. 18. Octobris, Academiam Crac. motu proprio, vti Senator prudentissimus, ad diem armis decretorium, in deditioe Vrbis Cracouien: Sueco singulariter commendauit. Pactisque tanquam membrum, & partem Reipub: Poloniæ nobilissimam speciali, paragrapho inseruit.

11. Ordines Regni in electionibus Regum suorum, non de nouis Academicis, sed pro veteri Crac. solliciti eandem Henrico Valefio, Stephano Bathoreo seruandam, & stipendijs augendam committebant.

12. Synodus Cleri Petricouien: dum ob paupertatem Acad: Cracou: ad incitas redigebatur, cum Illustrissimis & Reuerendissimis Regni Poloniæ Antistitibus, ad subleuandâ & conseruandam eandem, de prouentibus Episcopalibus succurrere decreuerat.

13. Inter pacta conuenta felicis: Electionis, nunc feliciter Regnantis Serenissimi REGIS Domini Nostri Clementissimi, formula in Constitutionibus per Rempublicam adiecta est: Ne quis aliter, quàm verba sonant, Statuta interpretari audeat.

14. In Comitijs Generalibus Varſauien: Anno D. 1626. in Collegio Illustrium Dominorum Nunciorum, dum de Academiæ Cracouien: iuribus conseruandis, contra PP. Societatis consilium habebatur, Generosus ac M. Nuncius Stargarden: hanc sententiam dignam cedro protulit. *Donc in Regno Polonia, erat una Academia, & una moneta, affatim habuimus bonorum Virorum & probatorum nummorum; postquam verò diuersæ Scholæ & Officiæ monetaria multiplicari cœperunt, candoris minimum, calliditatis plurimum, & de prauata moneta.*

1. **H**AC noua erectione fons irriguus Academiæ Cracouien: quem D. IAGIELO post CASIMIRVM Magnum elicit, sensim exaresceret. 2. Pretiosa Margaretha Regni diademati inserta, pretium & valorem amitteret. 3. Philacteria Acad: quæ iuxta votum D. IAGIELONIS extendi debent, coarctarentur. 4. Serenissimorum Poloniæ REGVM, optimè de Regno Poloniæ meritorum, memoria extingueretur, quod est contra mentem Fundatorum, & Summorum Pontificum VRBANI V. qui Studium Generale, soli Vrbis Cracou: concessit. 5. *Ex Generali Regni Schola, (vt Statuta loquuntur) vnus Palatinatus, alteriusq; Schola Academia Cracouien: redderetur.*

1. **A**cademia Cracouiensis semper impediuit, ne de proximo sibi aliquæ aliæ plantarentur. Academiæ, etiam in alieno solo

solo, & sub alio REGE: Sic impediuit erectionem Academiae, in Silesia Vratislauri, idq; semel & iterum: Lege Miechouium, Lib. 4. cap. 85.

2. Iulius II. Pontifex Maximus, ad Instantiam Regis Hungariae & Bohemiae, Episcopi Vratislauriensis & Ciuitatis eiusdem, magnis precibus sollicitatus, nequaquam super erectione Vniuersitatis consentire voluit, idq; propter Rationes Academiae Crac: quas utique firmissimas fuisse, Sedes Apostolica recognouit, quae iusta petentibus nihil negare consuevit.

3. Idem testatur Horatius Tursellinus Societ. Historicus, in sua Chronologia, qui describens Academas Orbis, de Vratislaurien: scriptum reliquit. Haec saeculo quinto decimo; nunc sextum & decimum Vniuersitates dedit. Primam quidem anno saeculari Lauingensem, in superiore Palatinatu &c. Vratislauriensem in Silesia anno quinto, agente vrbis Senatu, consentiente cum Vratislao Hungarorum & Bohemorum Rege, tunc Iulio II. P.M: quanquam Confirmationem ne impetrarent, Rationibus euicere Cracouientes, qui suis luminibus officii nolebant.

1. **T**entarunt PP. Societ. Posnaniae Academiam erigere; sed conatus eorum, Academia Cracouensi interueniente, in irritum reciderunt. Vt enim primum rumor exijt, de obtento pro erigenda Posnaniensi: Academia Privilegio. Maior & Minor Polonia grauissimè id tulerunt in Comitijs Sreden. & Prosouiensis; quod suae Prærogatiuae, Ius nimirum vniuersitatis Studij, ex Academia Cracouien: in alias Regni partes transferretur: & vnanimibus votis Illustrissimum & Reuerendissimum PETRUM TILICKI Episc. Crac. tanquam Acad. Crac. Cancellarium compellauerunt, vt Iura Acad: Crac. apud SS. Sedem Apostolicam euinceret. Ipseq; Ordo Equestris hoc argumento ad SS. PAULUM V. Pontificem Maximum literas misit.

2. Cum Serenissimus SIGISMUNDVS III. Poloniae REX Privilegium, pro erigenda Acad: Posnan. à se PP. Societatis concessum, validum omnino vellet, & Academiae nuncijs de præiudicio apud suam Maiestatem querulantibus, respondisset: Non permissurum se quidquam præiudicij, à quocumque Academiae Crac: per nouam erectionem fieri. Illustres Terrarum Nuncij in Comitijs Regni Varlauieni. A. 1613. cum sui Collegij Domino Directore, Illustr. D. S. Foszowski, in Senatu apud S. R. M. summis precibus impetrare conabantur, ne vllum Privilegium nouae alicuius Vniuersitatis condendae, ex Cancellaria Regni extraderetur.

3. Iam verò postquam bonam spem in hac causa à S. R. M. non rem, ijdem Nuncij retulissent, Protestationem Die 29. Martij eodem Anno 1613. in ijdem Comitijs Generalibus fecerunt huiusmodi.

Nos Senatores ac Terrarum & Dominiorum Regni Poloniae, ex Equestri Ordine, ad Comitissa Regni Generalia congregati, Notum facimus, Quòd cum in Co-

mitijs Regni praesentibus nobis innotuisset. Patres Soc: IESV pro Collegio Po-
suanensi, Ius & titulum vniuersalis studij, facultatemq; decernendi honores Aca-
demicos, à Serenissimo Rege D. nostro Clementissimo impetrauiffe, idq; Priuilegiū
nomine Ordinum Reipub. concessum iacent. Nos recognoscentes Priuilegium
illud, praedicare Regni Iuribus, quibus antiquissima Academia Crac: iura &
prerogatiue sunt stabilita, & in corpore legum nostrarum clausa, praesenti Scri-
ptura attestamus & protestamur, illud Priuilegium quodcumq; super iure Vniuer-
sitarum, siue vniuersalis Studij, potestatemq; in literis promouendi, PP. Societatis
IESV habere se pretendunt, esse contra Iura Regni, contra consensum & vo-
luntatem nostram, primaria partis Regni, & firmamenti Reipublicae Polonae; illud
proinde robur non habere, cum nobis inscijs contra formulam Legum Regni sit
concessum. Laboraturosq; nos tempore & loco suis, ut idem Priuilegium sicuti est
nullum, declaretur esse nullum. Quam quidem contra praedictum Priuilegium
nostram Protestationem, Scriptura praesenti comprehendimus, ac subscriptionibus
& signis nostris signamus, ne ab ijs quorum interest pratenfum Priuilegium ro-
boretur. Sequuntur Sigilla & subscriptiones Senatorum & Nuntiorum.

4. Idem vniuersus Regni Clerus sensit, Patrumq; Societ. conatus non
probauit, quod Acad. Crac. Scholae regni, optimè de Reipub. merita iu-
ra ad se pertraherent, eamque ad vastitatem & solitudinem redigere co-
narentur. Patet hoc in postulato vniuersi Cleri, in Synodo Prouinciali Pe-
triciouiae 1628.

5. Serenissimus etiam Rex SIGISMUNDVS III. alioqui propositi te-
nacissimus, à Sententia sua, quiritantibus Academicis Cracouiensib; recessit,
neq; vllas amplius literas pro Patribus Societatis, Romā expediri mandauit
6. Paulus V. Pontifex Maximus, Breue pro erigenda Academia Po-
suanensi denegauit. Academiae autem Cracouiensis Iura & Prerogatiuas
confirmauit, supplendo omnes defectus, si qui fortè in illis reperirentur.

7. Idem Paulus V. Pontifex Maximus nouitates istas Patrum Societ.
circa erectiones Academicarum, in Polonia iudicio suo reprobauit. Sic
enim Oratori Academico Iacobo Ianidlouio viuae vocis oraculo respondit:
Nouitates istas Societ. quae in Ecclesia Dei plus dissensionis, quam edificatio-
nis pariunt, non libenter audimus; antiquissimam verò Iagieloniam Aca-
demiā, quae toti Septemtrioni insignem operam, in propaganda Orthodoxa fide
nauauit, paterno amore complectimur. Pro qua Dominum Episcopum Craco-
uiensem, in Ecclesia Dei peruigilem Pastorem laborare gratulamur. Cui Signa
amoris nostri, in Prerogatiuis Academiae Cracouiensis conseruandis, & amplian-
dis, quantum in Domino poterimus, dabimus, & hanc voluntatem nostram Do-
mino Episcopo perscribat: ad Vniuersitatem verò, quas iam ante dedimus literas,
quantocyus transmittat, & non differendo in longum, sua desideria nuntiet.

8. Belarminus Cardinalis Magnus ex Societ. Vir & Montalcus Car-
dina-

dinalis Societ. Protector, ipseque eorum Reuerendissimus Generalis Clau-
dius Aquauia, literis ad Acad: Crac. datis, protestantur se nesciuisse, quod
erectio Academ: Posnaniensis in præiudicium Cracouiens: vergeret, ac
proinde se ab illius promouenda erectione abstinere.

9. Iterum PP. Soc. Anno Domini 1650. eiusdem Posnaniensis Acade-
miæ Erectionem curare inceperant: iterumq; Priuilegium à S. R. M. im-
petrant, sed Illustrissimus & Reuerendissimus ANDREAS Leszczynski
Regni Cancellarius dignissimus, instante Peraugusto Capitulo Cathedra-
li Posnaniensi obstitit, nec vt illud Priuilegium S. R. M. manu subscriptum,
Sigillo Regni muniret, vllâ ratione induci potuit.

1. Illustrissimus & Reuerendissimus Archiepiscopus Leo-
poliensis consensum, super ista erectione non præbuit.

2. Illustre Capitulum Leopoliens: idem sine dubio facturum, est quod
fecit Posnan, in Comitijs 1650. cum iterum PP. Societ Priuilegium &
Vniuersitatis titulum, suo Collegio obtinere conabantur.

3. Neq; Leopoliensi Ciuitati potest hoc tribui, quod nouam Academiam
expetat; cum etiam Collegium Societ. agre, & magnis cum difficultatibus
olim admiserit, ob eam causam; ne domus Musarum Academica penes
Cathedralem Ecclesiam, in qua omnes artes, Magistri & Baccalaurei profi-
tebantur, defereretur.

4. Sed nec Senatus, nec Ciuitas ipsa, super erigenda apud Patres Acad.
fuit consultata, ex qua plus mali quam boni, Vrbi illi accederet: Crescente
enim illo Collegio, decrescerent Ciuitatis libertates, & plures lites, maior or-
dinis confusio, ex pluribus Iurisdictionibus nasceretur.

5. Prætenſæ Acad. Leopoli erigendæ nulla est euidentis vtilitas, aut ali-
qua minima necessitas: Non enim quid aliud Collegio Leop: accedet, quam
titulus inanis Academix, vt videmus in omnibus illorum quas vocant V-
niuersitatibus, vide Epistolam SEBASTIANI Nucerini.

6. Patres Societ. Leopolienses, per compactata cum Ciuitate, vt possint
in suo Collegio docere, soluunt quotannis Directori Scholæ Parochialis
Academico Cracouiens. in recognitionem quasi cuiusdam Canonis, Flor:
100. vel 200.

7. Plurimum decedet Statui Spiritualis; imò toti Regno, si nobilissima inge-
nia, nouitate hac Academix illecta, in Societatem assumantur, pertrahantur.

8. Cæteris omnibus diuersarum Religionum Ordinibus quisque minus
proficuum aduertit fore, quorum Monasteria, Asceteria, claustra, Acad. Crac:
Professores, Studiosi, & alij Scholares implebant.

9. Schola & Seminario Leopoliensi vacuis, multi sequentur per Ec-
clesias eiusdem Archidiocesis defectus.

10. Deferretur quoq; hac erectione Academix, in Ciuitate Leopoliensi
Socie-

Societati Sceptum, instituendæ iuuentutis Polonæ, & simul Monarchia, ac Monopolium literarium stabiliretur penes Patres, vt sapientissimè ducit in suis literis, ad Prouincialem Societatis, Illustrissimus Dux GEORGIVS de Zbaraz Castellanus Cracouiensis, multaq; inde incommoda securura prædicit.

11. Conatus isti PP. in conquirendis, ad amplificanda sua Collegia, in Vrbe Domicilijs, & erigenda Leopoli Academia, non possunt esse sine læsione Iuris alieni, & sine diminutione dignitatis & vtilitatis Regni.

12. Rescriptum obtentum à potente in aula, secundum IureConsultos non valet.

13. Conuenit quoque potiùs Admodum RR. Societatis Patribus, fidem Catholicam propagare, & ex obligatione votorum suorum, in Scytham &c. excurrere (ad quod eos excitat Cardinalis Hosivs epistola 141. ad R. Patrem LAURENTIVM Magium Societatis in Polonia Prouincialem) quàm laureas Doctorales, Leopoli residendo conferre, cum & D. IGNATIVVS omnem speciem fulgoris, à suâ Societate abesse voluerit.

14. Adextremum Diui IAGIELONIS Academiæ Cracouiens. Fundatoris Sanctissimi verba, quibus in Priuilegio Erektionis vtitur, cuiusq; mentem debent penetrare & percellere. *Si quis autem has nostras Erektionis Studij, concessarumq; pro ipso libertatum, & Exemptionum ac Iurium literar, de successoribus nostris, aut quibuscunq; violare & infringere præsumpserit: iram vindicem districti Iudicis, & miserabilis infelicitatis horridum & inopinatum euentum, nouerit se incursum.*

